



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Statv Religionis Christianae, Per Evropam, Asiam,
Africam, Et Orbem Nouum, Libri IV.**

Le Mire, Aubert

Coloniae Agrippinae, 1619

Cap. IV. De Nestorianis.

urn:nbn:de:hbz:466:1-11108

Maronitæ habent Romæ Collegium insigne, à Gregorio XIII. excitatum ac donatum, quod Patres Soc. Iesu moderantur.

CAPUT IV.

DE NESTORIANIS.

Nestoriani, à Nestorio hæresiarcha iam olim damnato sic dicti sunt. Est ea natio, inter Christianas Orientales, longè numerosissima ac copiosissima, duobus Patriarchis subiecta. Eorum alter, Babylonis Patriarcha nuncupatus, residere solet in monasterio S. Hermetis, apud opidum Musal, in prouincia Babylonie; & fuit is haec tenus schismaticus, usque ad tempora Pauli V. Papæ, quibus Elias Patriarcha Babylonis ad communionem Ecclesie Romanæ redijt: ut sequenti capite docero.

Alter, Assyriorum Orientalium Patriarcha nuncupatus, primùm in Caremet, postea in Zeinalbach, in confinibus Persidis, resedit, ubi hodieque residet, potentia cedens Patriarchæ Babylonis. Assyriorum porrò Orientalium Patriarchæ, iam inde à temporibus Iulij II I. Papæ, fuerunt ortho-

thodoxi; videlicet *Simon Sulacha*, à Iulio III. ordinatus; *Abdiesu*, qui Concilio Tridentino interfuit, *Ahatalla*, eiusque successor *Donha Simon*, qui anno 1582. Pallium Patriarchale à Gregorio XIII. obtinuit, quique primus ex Caremet in prouinciam Zeinalbach secessit. Vbi hodieque residet alter *Simon*, Donhæ successor. De vetustis Nestorianorum erroribus vide nostrā Notitiam Episcopatum lib. I. cap. 16.

CAPUT V.

DE NATIONE CHALDAEORVM,
qui hactenus vocati sunt Nestoriani,
de quæ eorum Patriarcha in
Babylone residen-
te.

Chaldæorum gens olim sapientia, opibus, imperio adeò celebris, hodie misera seruitute oppressa, Turcis ac Persis subiacet; diuersisque nationibus admissa, Mesopotamiam incolit, per vicinas regiones, Indiam usque Orientalem, dispersa, Christi fidem profitetur; sed erroribus infectam grauissimis, pro quorū differentia Chaldae quoque inter se diuiduntur. Nam alij ex ipsis appellantur *Iacobita*, alij *Nestoriani*.